

Ժողովուրդ

41
(2891)

26 մարտի երեքշաբթի 2024
տպագրության ԺԳ տարի

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽՈՍՏԱՅԵԼ Է 10 ՕՐԻՑ ՎԵՐԱԳԱՌՆԱԼ



Մարտի 12-ին՝ մամուլի ասուլիսի ժամանակ էր վարչապետը խոստացել այցելել Տավուշ եւ գրուցել բնակիչների հետ: Այդ օրը գործադիրի ղեկավարը հայտարարեց, որ ինքը պատրաստ է գնալ հատվածական դեղինտացիայի՝ չբացառելով, որ գործընթացը կսկսվի հենց Տավուշի մարզից:


Մարտի 18-ին արդեն Փաշինյանը հանդիպեց Ոսկեպարի, Բաղանիսի եւ հարակից բնակավայրերի բնակիչների հետ: Հանդիպումը հարթ չէր անցել. Փաշինյանը, ըստ բնակիչների, ասել է՝ եթե զիջումների չգնանք, պատերազմ կսկսվի:

Վերջին օրերին Տավուշի սահմանամերձ բնակավայրերի բնակիչները ակնհայտորեն լարված են եւ սկսել են ագրեսիվ դիմավորել գյուղեր այցելողներին: Ոստիկանությունն արգելում է շատերի մուտքն անգամ, Լույսիկ եկեղեցի մտնելն են արգելել, օրինակ՝ Մարտական եղբայրության ներկայացուցիչներին:


Եւ, ահա, Փաշինյանի խոստացված մեկշաբաթյա ժամկետը երեկ լրացավ, սակայն ՀՀ վարչապետը Վրաստանից Հայաստան եկած պաշտոնական պատվիրակություններին դիմավորելու գործով էր զբաղված եւ տավուշեցիների մոտ ոչ էլ ներկայացուցիչ ուղարկեց:

Բնակիչների մի մեծ խումբ «Ժողովուրդ» օրաթերթին փոխանցեց, որ Փաշինյանը խոստացել է եթե ոչ 7, ապա 10 օր անց կվերադառնա՝ լսելու տեղի բնակիչների առաջարկները եւ կարծիքները: Նա ասել է՝ եթե անգամ ինքն էլ չկարողանա գալ, իր ներկայացուցիչը կգա եւ կլիս նրանց խնդիրները: Հենց այս պատճառով տավուշեցիները, որոնց գրեթե 70 %-ը խորհրդարանական ընտրություններին քվեարկել է Փաշինյանի օգտին, լռում են եւ հրաժարվում մեկնաբանել իրավիճակը կամ կարծիք հայտնել: Նրանք դեռ հավատով սպասում են իրենց համերկրացի Նիկոլ Փաշինյանի խոստման իրագործմանը: Եթե հիշենք «Ժողովուրդ» օրաթերթի՝ ՀՀ վարչապետ Նիկոլ Փաշինյանի ստերի մասին պատմող շարքը, ապա կարող ենք ասել, որ նրա համազորագրի սպասումները, հնարավոր է, այդպես էլ չարդարանան, կամ նրանք խորը հիասթափություն ապրեն:


«Ժողովուրդ» օրաթերթի տեղեկությունների համաձայն՝ երեկ քննիչները այցելել են «Գրիգոր Լուսավորիչ» հիվանդանոց ու մոտ 10 րոպե մնացել վերակենդանացման բաժանմունքում, որտեղ ապաքինվում է ՀՀ ՆԳՆ ոստիկանության Նոր Նորքի բաժնի մոտ նռնակի պայթյունից վիրավորված Արթուր Մովսիսյանը: Մեզ հասած լուրերի համաձայն՝ վիրավորված Արթուր Մովսիսյանը հիվանդանոցում բարձրաձայն դիմել է ներկայներին եւ ասել. «Հելեք ոտքի. ինչ արել եմ, Ձեզ համար եմ արել»: Հիշեցնենք՝ ArmLur.am-ին հասած լուրերի համաձայն՝ նռնակով զինված քաղաքացիներից մեկը Վարդգես Գետրոյանն է, որը Արարատի մարզից է, մյուսը՝ Արթուր Մովսիսյանը՝ Չորաղբյուրից: Նշենք, որ Արթուր Մովսիսյանն Ազգային ժողովրդական բեւեռի աջակիցներից է, որի որդին գոհվել է 44-օրյա պատերազմում: Հիշեցնենք նաեւ, որ մարտի 24-ին ՀՀ ՆԳՆ ոստիկանության Երեւան քաղաքի Նոր Նորք վարչական շրջանի բաժնի 3 անձինք էին ներխուժել եւ նռնակ պայթեցրել: Ներխուժած անձանցից երկուսը ոստիկանության բաժնում տեղի ունեցած պայթյունի հետեւանքով ստացած բեկորային վնասվածքներով տեղափոխվել են բուժօգնություն: Մյուսը ԱԾԾ ծառայողների կողմից վնասազերծվել է, ձերբակալված է: Նա Կոտայքի մարզի բնակիչ Ստեփան Հովակիմյանն է:



«Ժողովուրդ» օրաթերթը բազմիցս է փաստերով ներկայացրել, թե Նիկոլ Փաշինյանի եւ նրա թիմակիցների գաղափարները եւ դիրքորոշումները որքան հարցի շուրջ ինչ տրանսֆորմացիաների են ենթարկվել իշխանության գալուց հետո: Բազմիցս իրենց «սկզբունքայնությամբ» աչքի ընկած թավաշահեղափոխականները ցանկացած հարցի մասով ընդդիմադիր եղած ժամանակ այլ բան էին ասում եւ անում, իսկ իշխանության գալուց հետո՝ դրա լրիվ հակառակը: Ամուլսարի ոսկու հանքի շահագործումը եւս բացառություն չէ: Այսպիսով, «Ժողովուրդ» օրաթերթը կառավարությունից տեղեկանում է, որ «Լիդիան Արմենիա» ընկերության 100 տոկոս բաժնետոմսերի 12,5 տոկոսը կնվիրաբերվի ՀՀ կառավարությանը: Բաժնետոմսերի կառավարման լիազորությունը կվերապահվի Էկոնոմիկայի նախարարությանը: Այսօր տեղի կունենա բաժնետոմսերը ՀՀ կառավարությանը կնվիրելու պայմանագրի ստորագրման արարողությունը: Հուշագրի համաձայն՝ Հայաստանի Հանրապետությունը «Լիդիան Արմենիա» փակ բաժնետիրական ընկերության կողմից թողարկված 5000 դրամ անվանական արժեքով հասարակ բաժնետոմսերի 12, 5 տոկոսը, այսինքն՝ 12 հազար 503 հատ ընդհանուր թվով բաժնետոմսեր կընդունի: 2024թ. հունվարի 18-ի նիստում Նիկոլ Փաշինյանը հայտարարել էր, թե «Լիդիան Արմենիա»-ի այս «նվերը» պատկանում է Հայաստանի ժողովրդին, եւ որ «Ամուլսարի հանքի շահագործման այս մոդելով բազմաթիվ մտահոգություններ է փարատում»: Թե ինչ մտահոգություններ է փարատվում, պարզ չէ, բայց թերեւս արժե հիշել, թե ընդդիմադիր եղած ժամանակ ինչպես էին կարկառուն ԶԳ-ականները, Լեւո Նազարյանի գլխավորությամբ, ինքնամոռաց կոչով տալիս ընդդեմ հանքի շահագործման՝ համարելով այն բնապահպանական աղետ: Իսկ ի՞նչ է փոխվել այսօր «բնապահպան» ԶԳ-ականների մոտ, որ ոչ միայն դեմ չեն Ամուլսարի շահագործմանը, այլեւ այն համարում են «նվեր». թերեւս՝ ոչինչ, պարզապես այլեւս իրենց շահերն են խոսում, ու հանուն դրա պատրաստ են աչք փակել՝ ամեն ինչի վրա:



Հայաստանի իշխանություններն անգամ համազգային աղետի եւ սուգի պարագայում չեն կարողանում բարեկամ երկրի հանդեպ սոլիդարություն ցուցաբերել ու ապրումնակցել: Մոսկվայի «Կրոկուս սիթի հոլ»-ում ահաբեկչության կապակցությամբ Ռուսաստանում հայտարարված համազգային սգո օրվա առիթով ՀՀ-ում Ռուսաստանի դեսպանատանը սգո հուշամատյան է բացվել երկուշաբթի օրվանից: Այնտեղ գրառում էին արել եւ իրենց ցավակցությունն էին հռել հայաստանյան մի շարք հասարակական, քաղաքական գործիչներ, ընդդիմադիր գործիչներ, քաղաքացիներ եւ Ազգային ժողովի պատգամավորներ: «Ժողովուրդ» օրաթերթը նկատեց, որ անգամ աղետի դեպքում Հայաստանի իշխանությունները չեն գնացել ՌԴ դեսպանատուն, չեն ցավակցել ռուս անմեղ զոհերի առթիվ: Իշխանականներից միայն ՀՀ Նախագահ Վահագն Խաչատրյանն ու ԶԳ-ական ռուս պատգամավոր Ալեքսեյ Սանդիկովն են երկուշաբթի գնացել ՌԴ դեսպանատուն եւ ցավակցական գրառում կատարել մարտի 22-ին Մոսկվայում տեղի ունեցած ահաբեկչության կապակցությամբ: Իսկ ընդդիմադիրները, զբաղված էին, թե՛ Փաշինյանն արգելել էր այդ օրը գնալ ՌԴ դեսպանատուն: Ուշագրավ է նաեւ, որ անտարբերություն էին ցուցաբերել Հայաստանի Հանրապետության Ազգային ժողովի եւ Ռուսաստանի Դաշնության Դաշնային ժողովի միջեւ համագործակցության միջխորհրդարանական հանձնաժողովի ԶԳ-ական անդամները: Իսկ ովքեր են այս հանձնաժողովի ԶԳ-ական «անտարբեր» անդամները. հանձնաժողովը ղեկավարում է ԱԾ փոխնախագահ Հակոբ Արշակյանը, անդամներն են ԶԳ խմբակցության ղեկավար Հայկ Կոնջորյանը, պատգամավորներ Գուրգեն Արսենյանը, որը մի ժամանակ հավակնում էր ՌԴ-ում ՀՀ դեսպանի պաշտոնին, Վլադիմիր Վարդանյանը, Ծովինար Վարդանյանը, Արուսյակ Զուլհալյանը, Վահե Ղալումյանը, Վաղարշակ Հակոբյանը, Հասմիկ Հակոբյանը, Բաբկեն Թունյանը, Միքայել Թունայանը եւ Շիրակ Թորոսյանը:



ԶՐՈՒՅՑ

«ՄԵՆՔ ԿԿԱՆՔԻՆԵՔ ՊԵՏԱԿԱՆ ՃԳՆԱԺԱՄԻ ԱՌԱՋ»

ՀՀ վարչապետ Նիկոլ Փաշինյանի ատուլիսից հետո Տավուշի մարզի 4 գյուղերի ճակատագիրը որվեց հարցազրույցի ժամանակ: Այս հայտարարությունից հետո առաջինը «Հայաբլուզ» նախաձեռնությունն էր, որ մեկնեց Տավուշի մարզ, հանդես եկավ աջակցող հայտարարությամբ: ArmLur.am-ը սաղավարում գրուցել է «Հայաբլուզ» նախաձեռնության խորհրդի անդամ, միջազգայնագետ Արմեն Մանվելյանի հետ:



«Պարոն Մանվելյան, վերջերս՝ Նիկոլ Փաշինյանի վերջին ատուլիսից հետո, երբ հարցականի տակ դրվեց Տավուշի 4 գյուղերի ճակատագիրը, «Հայաբլուզ» նախաձեռնությունը առաջիններից էր, որ մեկնեց Տավուշի մարզ եւ Ոսկեպարից հանդես եկավ հայտարարությամբ: Կարող եք ասել՝ ինչ սպառնալիք է ներկայացնում Տավուշի 4 գյուղերի հանձնումը, եթե նման պահանջները Նիկոլ Փաշինյանի եւ Ալիեյի կողմից շարունակվեն:

«Այստեղ մի քանի խնդիր կա. առաջինը քաղաքական թեմատիկան է, որ եթե դու սկսում ես զիջման գործընթացը, որ մենք արդեն տեսնում ենք երեք-չորս տարի շարունակ, ապա սա կանգ չի առնելու: Այնպես չէ, որ ադրբեջանցիները առաջ կգան ու կասեն՝ լավ, բավարար է, առաջ չենք գնա. դրանից հետո նրանք կպահանջեն անկլավները եւ այլն: Այս ամենը անօրինական է, ՀՀ Սահմանադրության համաձայն, ՀՀ օրենքների համաձայն՝ ՀՀ տարածքում ադրբեջանական տարածք չկա, անկլավներ չկան: Ցանկացած մեկը, որ ասում է՝ սա ադրբեջանական տարածք է, ինքը պետական հանցագործություն է իրականացնում, քանի որ խախտում է ՀՀ Սահմանադրությունը: Եթե, Աստված չանի, իսկապես այդ գործընթացը սկսվի, այսինքն՝ գործերը հետ նահանջ են տարածքները զիջեն, սա կլինի պետական մասշտաբի հանցագործություն: Ինչ տեղի կունենա դրանից հետո:

Նայեք, մի քանի ռազմավարական խնդիր ունենք՝ կապված այդ շրջանների հետ. նախ՝ դա մեզ համար կարեւոր է՝ որպես Կրաստանի հետ կապի միջոց, այնտեղով է անցնում նաեւ մեր գազամուղը եւ այլն: Այդ ամենը երբ անցնում է թշնամու վերահսկողության տակ, մենք խնդիրների առաջ ենք կանգնում: Տեսականորեն հնարավոր է շրջանցող գազամուղ սարքել, բայց սա մեկ-երկու օրվա գործ չէ, այլ ամիսների աշխատանք է, որը չի արվել: Եթե այս ամենը տեղի ունենա, մենք կկանգնենք պետական ճգնաժամի առաջ:

«Պարոն Մանվելյան, ներկայումս խոսում ենք միայն Տավուշի 4 գյուղերի մասին, սակայն եթե մի քիչ հետ նայենք, Նիկոլ Փաշինյանը եւ Իլիամ Ալիեյը ինչեղևում էին արտահայտություններ, որ Տիգրանը եւս դասվում է անկլավների շարքին: Եթե Ադրբեջանը Տավուշում հարցը լուծի իր օգտին, արդյոք Երասխի, Տիգրանաշենի մասով խոսակցություն տեղի չի՞ ունենա:

«Մի բան պիտի հստակ հասկանանք. Ադրբեջանի համար այս անկլավները էական են այնքանով, ինչքանով նա կարողանում է ներխուժել Հայաստանի տարածք, եւ կարող է հանգիստ տեղադրել գործեր, եւ Հայաստանը, փաստորեն, պառակտվում է: Եթե Դուք Տավուշի քարտեզը նայեք, կտեսնեք՝ եթե ինքը անկլավները վերցնում է, ամբողջովին կտրում է Տավուշի հյուսիսային մասը հարավից, եւ մոտենում է մինչեւ Վանաձոր, այսինքն՝ Հայաստանը հայտնվում է խոցելի ու վտանգավոր վիճակում:

«Մի բան պիտի հստակ հասկանանք. Ադրբեջանի համար այս անկլավները էական են այնքանով, ինչքանով նա կարողանում է ներխուժել Հայաստանի տարածք, եւ կարող է հանգիստ տեղադրել գործեր, եւ Հայաստանը, փաստորեն, պառակտվում է: Եթե Դուք Տավուշի քարտեզը նայեք, կտեսնեք՝ եթե ինքը անկլավները վերցնում է, ամբողջովին կտրում է Տավուշի հյուսիսային մասը հարավից, եւ մոտենում է մինչեւ Վանաձոր, այսինքն՝ Հայաստանը հայտնվում է խոցելի ու վտանգավոր վիճակում: Զրուցեց էՄՄԱ ՄԻՔԱՅԵԼՅԱՆԸ

ԱՅԼԸՆՏՐԱՆՔ ԶԻ ԿԱՌՈՒՅՎՈՒՄ

ՆԻԿՈՒ ՓԱՇԻՆՅԱՆԸ ԽԱԲԵԼ Է

2018-ի հուլիսին Նիկոլ Փաշինյանը մամուլի ատուլիսի ժամանակ հայտարարեց. «Հայաստանն ակտիվ բանակցում է Վերին Լարսին այլընտրանք գտնելու ուղղությամբ»:



Այնուհետեւ՝ 2018-ի նոյեմբերի 13-ին, Ազգային ժողովում վերահաստատեց իր մտադրությունները. «Վերին Լարսին այլընտրանք ստեղծելը մեզ համար սկզբունքային խնդիր է, բայց այդ պրոցեսում մենք բանակցային կողմ չենք... Մենք մեր վրացի եւ ռուս գործընկերների հետ անընդհատ շփումների մեջ ենք: Անընդհատ այդ խնդիրը բարձրացնում ենք, մեր կառավարության ներկայացուցիչն անընդհատ պրոցեսի մեջ է»:
25.05.2018թ. փոխվարչապետ Տիգրան Ավինյանը ֆեյսբուքյան էջում գրեց. «Մի-րելի՛ հայրենակիցներ, կարող ենք արձանագրել եւս մեկ դրական տեղաշարժ տնտեսության եւ տրանսպորտի ոլորտների համար: Երեկ Ռուսաստանի Դաշնության եւ Կրաստանի ներկայացուցիչները հանդիպել են Պրահայում եւ քննարկել 2011թ.-ին կնքված «Մաքսային վարչարարության եւ ապրանքի առևտրի մոնիթորինգի մեխանիզմի հիմնական սկզբունքների մասին» համաձայնագրի կիրառման մանրամասներ: Համաձայնագրի՝ կյանքի կոչվելու պարագայում

մենք կունենանք բեռնափոխադրման այլընտրանքային ճանապարհներ այն դեպքերում, երբ Վերին Լարսի ավտոճանապարհը փակ լինի: Համաձայնագրի իրականացման մասին ենք նաեւ գրուցել ՌԴ նախագահ Վլադիմիր Պուտինի հետ մայիսի 14-ին՝ Սոչիում կայացած հանդիպման ժամանակ»: Սակայն, իրականում առ այսօր Հայաստանը Վերին Լարսին այլընտրանք չի գտել: Աժ «Քաղաքացիական պայմանագիր» խմբակցու-

թյան պատգամավոր, այսօր արդեն Էկոնոմիկայի նախարար Գեորգ Պապոյանը օրերս հայտարարեց, որ այլընտրանքն Ադրբեջանն է. հենց կնքվի խաղաղության պայմանագիր, եւ սահմանները բացվեն, հիմնական բեռնափոխադրումները տեղի կունենան այդ երկրի տարածքով: Մինչ այդ հազարավոր ավտոմեքենաներ տասնյակ օրերով հերթ են կանգնում Լարսի անցակետի մոտ:

ՄՆԱ ԳՐԻԳՈՐՅԱՆ



ԶԻՆԾԱՌԱՅՈՂ ԿԱՆԱՅՔ

Հայաստանի ազգային անվտանգության ծառայության սահմանապահ գործերում կին զինծառայողների թիվը 2023 թվականին աճել է 9 տոկոսով: Այս մասին Ազգային ժողովում պաշտպանության եւ անվտանգության հարցերի մշտական հանձնաժողովի արտահերթ նիստում կառավարության (2021-2026 թվականների ծրագրի) 2023 թվականի կատարման ընթացքի եւ արդյունքների հաշվետվության քննարկման ժամանակ՝ մարտի 25-ին, ասաց ծառայության տնօրեն Արմեն Աբազյանը:

«2022 թվականի համեմատ՝ ԱՄԾ սահմանապահ գործերում կին զինծառայողների թիվն աճել է մոտ 9 տոկոսով, իսկ 2021 թվականի համեմատ՝ մոտ 20 տոկոսով», - պարզաբանեց Աբազյանը:

ԽԱԲՈՒՄ Է ԺՈՂՈՎՐԳԻՆ

Նիկոլ Փաշինյանը ժողովրդին վախեցնում է Ալիեյով, պատերազմով եւ շարունակում է հանձնել, այս մասին մարտի 25-ին՝ Գեղարքունիքի մարզի Մարտունի խոշորացված համայնքում քաղաքացիների հետ տեղի ունեցած հանդիպման ժամանակ, ասաց ԱԺ «Հայաստան» խմբակցության պատգամավոր Իշխան Սաղաթեյանը:

«Եթե այդ պատերազմն անխուսափելի է, պետք է պատրաստվել պատերազմի, ոչ թե ժողովրդի դիմադրությունը ջարդել, ասել՝ դուք թույլ եք, զենք չունենք, բանակ չունենք, դաշնակից չունենք ու գառի պես տանել, մորթել ժողովրդին: Հերիք է պատերազմով եւ ժողովրդին վախեցնել: Եւ էն նույն ժողովրդին է, որ ազատագրեց Արցախը, որ 2 հայկական պետություն ստեղծեց: Հիմա հայտնվել է մեկը, ասում է՝ չէ, դա պատահականություն էր», - ասաց նա:

Սաղաթեյանի խոսքով՝ իրենց եւ Նիկոլ Փաշինյանի միջեւ գաղափարական տարբերությունը հետեւյալն է. «Ինքն ասում է՝ ինչ ուզում է, տանք, հետո մի կտորի վրա զարգացնենք Հայաստանը: Դա կլինի իրական Հայաստանի համար պայքար: Մենք ասում ենք՝ եթե դու զիջում ես քո ռազմավարական դիրքերը, քո ճանապարհները, կոմունիկացիաները, էդ պետությունն այս տարածաշրջանում այլեւս չի կարող գոյություն ունենալ: Ինքը խաբում է ժողովրդին:

Գյումրիում Նիկոլ Փաշինյանն արդեն բոլոր խաղաքարտերը բացեց. խոսում է շատ բաց, ասում է՝ ես եւ ԶԳ-ն ունենք մի առաքելություն՝ մենք պատմական Հայաստանից պետք է անցնենք իրական Հայաստան: Ու ասում է՝ ես պատմական Հայաստանի վարչապետը չեմ, ես ՀՀ վարչապետն եմ... Հայաստանի Հանրապետությունը, որի ղեկավարումն ինքը ստանձնել է 2018 թվականին, 42,500 քառակուսի կիլոմետրանոց հայկական 2 պետություն է եղել՝ Արցախի Հանրապետություն եւ Հայաստանի Հանրապետություն... 42,500 քառակուսի կիլոմետրի 30 տոկոսն արդեն հանձնել է թշնամուն», - ասել է Իշխան Սաղաթեյանը:

ԻՐԱՎԻՃԱԿ

ԽՈՒԼԻԳԱՆՈՒԹՅՈՒՆ

ՔԱՂԱՔԱՊԵՏԱՐԱՆԻ ՂԵՐՃԱՆՔԻՆ ՈՒ ԹԵՎԱՌՈՒԹՅՈՒՆԸ

ՊԱՏԵՐԱԶՄԻ ԱՆՆՆԱՐ ԳԱՌՆԱ

Հայաստանի կառավարությունն ուզում է ստեղծել մի իրավիճակ, որ պատերազմը դառնա անհնար. Գյումրիում «Քաղաքացիական պայմանագիր» կուսակցության նախաձեռնող խմբի նիստի ժամանակ այս մասին ասել է Հայաստանի վարչապետ Նիկոլ Փաշինյանը:

«Մեր քաղաքական նպատակը հետևյալն է՝ մեր երկրի շուրջ ստեղծել մի իրադրություն, որ պատերազմը դառնա անհնար: Սա շատ բարդ խնդիր է, չափազանց բարդ խնդիր է, ես այստեղ բոլորիս շատ մեծ համբերություն է պետք»,- ասել է Փաշինյանը:

Վարչապետն ընդգծել է, որ իշխող քաղաքական ուժը պետք է մթնոլորտ ստեղծի, որ կուսակցական միջավայրում որեւէ մեկը չվախենա որեւէ միտք արտահայտելուց: «Սա շատ կարեւոր բան է, որովհետեւ նույնիսկ եթե ես հիմա ասում եմ շատ սխալ բան, իմ բարձրաձայնելն օգնում է, որ արդյունքում ես հասկանամ, որ իմ ասածը սխալ է, իսկ եթե ես դա չբարձրաձայնեմ, մնալու եմ այն համոզմունքի մեջ, որ ես մի ճիշտ միտք ունեմ, բայց մթնոլորտն այնպիսին չէ, որ ես այդ միտքն արտահայտեմ եւ հազարավոր հարցեր լուծեմ»,- նշել է վարչապետը:

ՆԵՐԳՐՈՒՄՆԵՐԻ ԾԱՎԱԼԸ

Հայաստանում նախորդ տարվա հունվար-սեպտեմբերին օտարերկրյա ուղղակի ներդրումները կազմել են շուրջ 360 մլն դոլար, ԵԱՏՄ երկրների կողմից օտարերկրյա ուղղակի ներդրումների գուտ հոսքերի ծավալը կազմել է շուրջ 58 մլն դոլար. այս մասին մարտի 25-ին ասաց էկոնոմիկայի նախարար Գեորգ Պապոյանը ԱԺ տարածաշրջանային եւ եվրասիական ինտեգրման հարցերի հանձնաժողովում ՀՀ կառավարության ծրագրի (2021-2026 թթ.) 2023 թվականի կատարման ընթացքի եւ արդյունքների մասին զեկույցի քննարկմանը:

«2023 թվականի հունվար-սեպտեմբեր ամիսներին ՀՀ տնտեսության իրական հատվածում օտարերկրյա ներդրումների գուտ հոսքերի ծավալը կազմել է շուրջ 278 մլն դոլար, նույն ժամանակահատվածում օտարերկրյա ուղղակի ներդրումները կազմել են շուրջ 360 մլն դոլար, որից ԵԱՏՄ երկրների կողմից օտարերկրյա ուղղակի ներդրումների գուտ հոսքերի ծավալը կազմել է շուրջ 58 մլն դոլար»,- ասաց Պապոյանը:

2022 թվականին Հայաստանի Հանրապետության տնտեսության իրական հատվածում օտարերկրյա ներդրումների գուտ հոսքերի ծավալը կազմել է 45.5 մլն դոլար: ԵԱՏՄ երկրների կողմից օտարերկրյա ներդրումների գուտ հոսքերի ծավալը կազմել է շուրջ 364 մլն դոլար, գլխավորապես Ռուսաստանի Դաշնությունից են այդ ներդրումները:

Նույն ժամանակահատվածում օտարերկրյա ուղղակի ներդրումները կազմել են 417 մլն դոլար, որից ԵԱՏՄ երկրների կողմից օտարերկրյա ուղղակի ներդրումների գուտ հոսքերի ծավալը կազմել է 250 մլն դոլար:

Շաբաթ օրը Նիկոլ Փաշինյանն ու «Քաղաքացիական դաշնագիր» կուսակցության անդամները գնացել էին Գյումրի ու այնտեղ կուսակցության նախաձեռնող խմբի նիստ անցկացրել:

«Ժողովուրդ» օրաթերթը գրել էր, որ, ի թիվս այլ հարցերի, քննարկվել են նաեւ Շիրակի մարզպետ Մուշեղ Մուրադյանի պաշտոնակազմության հարցը:

Մեզ հետ զրույցում շաբաթ օրը Երեւանի ավագանու «Ազգային առաջընթաց» խմբակցության քարտուղար Իզաբելլա Աբգարյանը հայտնել էր, որ «Կանաչապատում եւ շրջակա միջավայրի պահպանություն» ՀՈԱԿ-ի աշխատակիցները Երեւանում հարձակվել են իրենց խմբակցության անդամների՝ Հայկ Գրիգորյանի եւ Ռոբերտ Ծովյանի վրա:

Նա տեղեկացրել է, որ միջադեպից հետո Հայկ Գրիգորյանը եւ Ռոբերտ Ծովյանը բերման են ենթարկվել եւ մի քանի ժամից ազատ արձակվել:

ArmLur.am-ի հետ զրույցում Երեւանի ավագանու «Ազգային առաջընթաց» խմբակցության անդամ Հայկ Գրիգորյանը պատմեց, որ միջադեպը տեղի է ունեցել Թումանյան փողոցի վրա. իրենք նկատել են, որ Երեւանի հենց կենտրոնում ծառահատում է իրականացվում, մոտեցել են, որպեսզի կասեցնեն, բայց «Կանաչապատում եւ շրջակա միջավայրի պահպանություն» ՀՈԱԿ-ի աշխատակիցների կողմից հարձակման են ենթարկվել:

«Մենք մոտեցանք ՀՈԱԿ-ի տնօրեն Արմեն Բեգոյանին, որ թղթեր ուզեն, թե ինչու են ծառահատում իրականացնում, այնինքն՝ այն ծառը, որը ենթակա է հատման, պետք է հատուկ թուղթ ունենա: Բեգոյանը միազամից շատ ագրեսիվ, փողոցային պահվածք ցուցաբերեց, չսովորեց այդ



փաստաթղթերը, ասաց՝ գնացեք, չեք թողում աշխատենք, հետո նրա ենթակառուցվածքը սկսեցին փողոցային ոճ դրսևորել, ինձ հետեւից հարվածեցին, Ռոբերտ Ծովյանին ավելի շատ են հարվածել, 4 հոգի էին հարձակվողները»,- պատմեց ավագանու ընդդիմադիր անդամը:

Հայկ Գրիգորյանը նշում է՝ զավեշտն այն է, որ միջադեպից հետո Արմեն Բեգոյանն է գնացել ու դիմել Ոստիկանություն, թե ավագանու ընդդիմադիր անդամները

խուլիգանություն են արել. «Քննիչը մեզ հարցաքննեց, պարզեց, որ մենք կապ չունենք, ու ազատ արձակվեցինք, բայց գործը մնում է, մենք հետամուտ ենք լինելու, որ իրենք խուլիգանության համար պատժվեն»:

Հայկ Գրիգորյանը նաեւ ասաց, որ հաջորդ շաբաթ պատրաստվում է պաշտոնապես դիմել Տիգրան Ավինյանին՝ Բեգոյանին պաշտոնանկ անելու համար:

ՔՐԻՍՏԻՆԱ ՄՈՒՇԵՐՅԱՆ

ՕՐՎԱ ԽՃԱՆԿԱՐ

ՀԱՆԳԵՄ Է ԵԿԵԼ ՀԱՅՏԱՐԱՐՈՒԹՅԱՐԸ



Երեկ ԱԺ պատգամավոր Թագուհի Թովմասյանը հանդես է եկել հայտարարությամբ, որը ներկայացնում ենք ստորև.

«Մեկ շաբաթը լրացավ Տավուշի մարզում հնչեցրած սպառալիքներից. ինչ է լինելու

Նիկոլ Փաշինյանը ուղիղ մեկ շաբաթ առաջ գնաց Տավուշ եւ, Հայաստանի քարտեզի ուրվագիծը ձեռքին, հայտարարեց. «Մենք պետք է թույլ չտանք պատերազմի սկսում: Եվ սա է պատճառը, որ որոշել ենք, որ մենք պետք է գնանք եւ հատվածներում ՀՀ սահմանի ճշգրտման: Ու դա անում ենք ոչ միայն հանուն ՀՀ-ի, այլեւ կոնկրետ Ոսկեպար գյուղի համար, Կիրանց գյուղի համար, որպեսզի ապահով

վենք այդ գյուղերի անվտանգությունը»: Մեր երկիրը հեշտությամբ հանձնելու պատրաստակամ վարչապետի հետ հանդիպմանը մասնակցած քաղաքացիներն էլ ՋԼՄ-ներին հայտնեցին, որ Նիկոլ Փաշինյանն իրենց հետ զրույցում ասել է, թե մեկ շաբաթից պետք է կամ տարածքները հանձնենք, կամ պատերազմ է սկսվելու: Այսօր լրացավ մեկ շաբաթը, եւ վարչապետը որեւէ տեղեկություն չի հայտնում, թե ինչ է տեղի ունենալու: Ուղղակի չի կարելի մարդկանց սպառնալ պատերազմով, չի կարելի ահաբեկել քաղաքացիներին, չի կարելի քաղաքացիների մեջ հուսահատություն սերմանել, չի կարելի հանրագիտարանային մեջբերումներով հայտարարել, թե Տավուշի մարզի 4 գյուղեր հայկական չեն, Ադրբեջանի տարածքներ են, չի կարելի քաղաքացու մեջ անորոշություն սերմանել իր հայրենիքի նկատմամբ, չի կարելի վերջապես ԽԱԲԵԼ Սյունիքում, Գեղարքունիքում, Վայոց ձորում ադրբեջանական զինուժն օկուպացրել է ՀՀ ինքնիշխան տարածքները, սակայն դրանց հեռացման պահանջի մասին մենք ոչինչ չենք լսում: Չենք լսում, որ Նիկոլ Փաշինյանը խոսի այն մասին, որ երեք մարզերում անասնապահությունը, գյուղատնտեսությունը անհնար է դարձել, որոշ դեպքերում խմելու եւ ոռոգման ջրերի խնդիրներ են առաջացել ադրբեջանական օկուպացիայի հետեւանքով, որ դպրոցներից ու մարդկանց տներից մի քանի հարյուր մետրի վրա թշնամու դիրքերն են արդեն (Շումուխ, Ներքին հանր, Կուբե եւ այլ բնակավայրեր): Չենք լսում, որ Նիկոլ Փաշինյանը խոսի այն մասին, թե 4 գյուղե-

րի հանձնումից հետո, երբ ազերիների վերահսկողության տակ են անցնելու արոտավայրեր, վարելահողեր, ստրատեգիական նշանակության ջրային ռեսուրսներ, գազատարներ եւ այլն, ինչ նոր խնդիրներ են առաջանալու: Չենք լսում նաեւ, որ Նիկոլ Փաշինյանը, իր սահմանազատման պատրաստակամությանը զուգահեռ, նաեւ խոսի այդ գյուղերում բնակվող մարդկանց կյանքին սպառնացող այսօրվա վտանգների մասին: Պատերազմով մարդկանց սպառնալը երկրի առաջնորդի առաքելությունը չէ: Ստախտությամբ իշխանություն պահելը՝ մեր երկրի տարածքների հաշվին, անթույլատրելի է:

ԱԺ մարդու իրավունքների պաշտպանության եւ հանրային հարցերի մշտական հանձնաժողովի՝ ապօրինաբար հեռացված նախագահ Թագուհի Թովմասյան»:

ԼՈՒՌ ՀԵՌԱՑԱՎ

Երեկ ՀՀ նախկին վարչապետ, պետական քաղաքական գործիչ Անդրանիկ Մարգարյանի մահվան տարելիցն էր: Մեծ թվով ընկերներ, կուսակիցներ եւ բարեկամներ էին հավաքվել պանթեոնում հարգանքի տուրք մատուցելու Մարգարյանի հիշատակին:

ՀՀ երրորդ նախագահ Սերժ Սարգսյանը եւս այցելեց Կոմիտասի անվան պանթեոն՝ հարգանքի տուրք մատուցելու Անդրանիկ Մարգարյանի հիշատակին:

Լրագրողների բոլոր փորձերը՝ հարցազրույց վերցնելու Սերժ Սարգսյանից, ձախողվեցին: Նա բոլոր հարցերը անսպասուսախան թողեց, լուռ հեռացավ:

ԻՐԱՎԱԿԱՆ

ՇՈՐԹՄԱՆ ՀԱՆԳԱՄԱՆՔՆԵՐ

ՀԱՐՑԵՐԻ ԼՈՒԾՈՒՄԸ՝ ԲՐԵԱԿԱՆ ՎԱՐՔՈՒԲԱՐՔՈՎ

Քննչական կոմիտեի նախօրեին հայտնեց, որ քննչական կոմիտեի Երևան ֆառաքի քննչական վարչության Ավան եւ Նոր Նորք վարչական շրջանների քննչական բաժնում ՀՀ քննչական օրենսգրքի 258-րդ հոդվածի 1-ին մասով, 324-րդ հոդվածի 1-ին մասով եւ 325-րդ հոդվածի 1-ին մասով նախաձեռնված քննչական վարույթի շրջանակներում դարգվել են Երևան ֆառաքի 43-ամյա բնակչին դասկանող հոգասարածքը անվանափոխելու հարցի հետ կապված քննչական ենթամեակույթ կրող խմբավորման մասնակցին դիմելու, շարժման դեղերի մի շարք հանգամանքներ:

Իրականացված քննչական եւ վարույթային գործողությունների արդյունքում, մասնավորապես՝ փաստական տվյալների համաձայն՝ Երևանի 47-ամյա բնակիչը անօրինական կերպով շինություն է կառուցել Երևանի 43-ամյա բնակչին պատկանող հողատարածքում եւ այդպիսով, որ հիշյալ հողատարածքը գրանցվի իր անվամբ, ինչին վերջինս չի համաձայնել:

Նշված հարցի հետ կապված 47-ամյա տղամարդը օժանդակության խնդրանքով դիմել է քրեական ենթամեակույթ կրող հայտնի անձի: Վերջինիս, ինչպես նաեւ մի խումբ անձանց հետ նա գնացել է վերոնշյալ հողատարածք եւ կրկին պահանջել անվանափոխել հիշյալ տարածքը: Այնուհետեւ 47-ամյա տղամարդը կնոջ եղբոր՝ 50-ամյա տղամարդու հետ հիշյալ հողատարածքում հանդիպել է 43-ամյա քաղաքացու եղբորը, սպառնալիքներ հնչեցրել նրանց հասցեին, որից հետո գնազահարել են քրեական ենթամեակույթի կրող հայտնի նույն անձին, որը եւս սպառնացել է եղբայրներին:

Նախաքննության ընթացքում տվյալներ են ստացվել, որ քրեական ենթամեակույթ կրող անձը հանդիսանում է քրեական հեղինակություն եւ օգտագործելով իր քրեական հեղինակությունը՝ գործում է կայացնում է որոշումներ՝ պետության սահմանած վարքագծի համապարտադիր կանոններին կամ դրանց իրականացման իրավաչափ ձեւերին չհամապատասխանող, իր սահմանած եւ ճանաչված վարքագծի կանոններով:



Նոր, իր սահմանած եւ ճանաչված վարքագծի կանոններով:

Քրեական վարույթի շրջանակներում 43-ամյա տղամարդը ճանաչվել է տուժող, գնազահարել են ենթարկվել վերջինիս կողմից ներկայացված տեսագրությունները:

Ձեռք բերված փաստերի հիման վրա՝ վարույթն իրականացնող մարմին կողմից միջնորդություն է ներկայացվել հսկող դատախազին՝ քրեական ենթամեակույթի կրող հայտնի անձի նկատմամբ ՀՀ քրեական օրենսգրքի 324-րդ հոդվածի 1-ին մասով եւ 258-րդ հոդվածի 2-րդ մասի 8-րդ կետով, 47-ամյա տղամարդու նկատմամբ՝ ՀՀ քրեական օրենսգրքի 325-րդ հոդվածի 1-ին մասով եւ 258-րդ հոդվածի 2-րդ մասի 8-րդ կետով, իսկ վերջինիս կնոջ եղբոր նկատմամբ՝ ՀՀ քրեական օրենսգրքի 258-րդ հոդվածի 2-րդ մասի 8-րդ կետով հանրային քրեական մատաչախում հարուցելու մասին, որը բավարարվել է:

Հիշյալ անձինք ձերբակալվել են: Պատրանի որոշմամբ քրեական ենթամեակույթի կրող հայտնի անձի եւ 47-ամյա տղամարդու նկատմամբ որպես խափանման միջոց է կիրառվել կալանքը, իսկ վերջինիս կնոջ եղբոր նկատմամբ՝ տնային կալանքը:


Նախաքննությունը շարունակվում է: Շանուցում հանցանքի համար մեղադրվող համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

Նախաքննական մարմինը չէր գաղտնազերծել, թե ով է քրեական հեղինակությունը, սակայն մեզ հայտնի դարձավ, որ նա Միշտ Սարգսյանն է, որը քրեական աշխարհում առավել հայտնի է Միշտ անունով:

ՔՍՈՐ ՍՍՆՈՒԿՅԱՆ

ԿԱՍԿԱԾՅԱԼՆԵՐ

ՖՐԱՆԿՈՑՆԵՐԻ ՀԵՏՔԵՐՈՎ



Ֆուչիկի փողոցի թիվ 6 հասցեում հնչած աղմկահարույց կրակոցներից անցել է 8 օր, ու մինչ օրս իրավապահները կրակոցներ արձակողներին եւ միջադեպի մասնակիցներին չեն գտել: Վարչական շրջանում տարածված տեղեկությունների համաձայն՝ միջադեպի մասնակիցները կապ ունեն քրեական հեղինակություն համարվող Արտյոմ Կանեսկոյի՝ Արտյոմ Հարությունյանի մոտերիմ շրջապատի հետ: Իրավապահ համակարգը վերջինիս շրջապատի՝ կապ ունենալու մասով դեռեւս որեւէ տեղեկություն չունի:

Ֆուչիկի փողոցի թիվ 6 հասցեի կրակոցներից ArmLur.am-ին մանրամասներ էին հայտնի դարձել: Մասնավորապես՝ կրակոցները հնչել են երեխայի շուրջ առաջացած տարածաշրջանում: Վիճաբանողներից մեկի երեխային, որ առողջական խնդիրներ ունի, ծաղրել են, ու դեպքին խառնվել են ծնողները, արդյունքում հնչել են կրակոցներ:

Shamshyan.com-ը գրել էր, որ մարտի 14-ին մարտաֆիլմ հիշեցնող կրակոցներ են հնչել Երևանում: Ժամը 00:20-ի սահմաններում ՀՀ ոստիկան գործերի նախարարության ոստիկանության Մաշտոցի բաժնի ահազանգ է ստացվել 1-03 շտապօգնության կայանից. հայտնել են, որ բժիշկների հերթապահ խումբը կանչով մեկնել է Ֆուչիկի փողոցի թիվ 6 հասցե, որտեղ հայտնաբերել են վիրավոր քաղաքացիների ու արևանման հետքեր:

Վիրավորներին առաջինը օգնության են հասել բժիշկները, պարեկներն ու քաղաքացիները:

Ոստիկաններն ու պարեկները դեպքի վայրում հայտնաբերել են տարբեր տեսակի իրազեններից արձակված մեծ թվով կրակված պարկուճներ, պայթեցված նռնակի դետալներ, արևանման հետքեր, կրակոցից վնասված ավտոմեքենաներ:

Պարզվել է, որ դեպքի վայրից Երևանի տարբեր հիվանդանոցներ են տեղափոխվել երկու քաղաքացի:

Հիվանդանոցում բժիշկները ոստիկաններին եւ քննիչներին հայտնել են, որ վիրավորներն ի վիճակի չեն կատարվածի մասին բացատրություն տալու, քանի որ գտնվում են վիրահատարանում:

Գ. Շամշյանի տեղեկություններով՝ ոստիկաններն ու քննիչները տաք հետքերով պարզել են դեպքի որոշ հանգամանքներ, եւ կան ենթադրյալ կասկածյալներ, որոնք որոնվում են:

Ք. ՍՍՆՈՒԿՅԱՆ

ՆԱԽԱՔՆՆՈՒԹՅՈՒՆՆ ԱՎԱՐՏՎԵԼ Է

ԲԱՐՄԵՆԻ ՈՒ ՄԱՏՈՒՑՈՂԻ ՎԵՃԸ

ՀՀ քննչական կոմիտեի Շիրակի մարզային քննչական վարչությունում ավարտվել է «Չերեգի ձոր» ռեսուրսների մոտ սեղի ունեցած սղանույթային դեղերի առթիվ նախաձեռնված քննչական վարույթի նախաքննությունը:

Նախաքննության ընթացքում կատարված անհրաժեշտ գործողություններով հավաքված ապացույցներով պարզվել է, որ 2023թ. օգոստոսի 5-ին Գյումրի քաղաքում գտնվող «Չերեգի ձոր» ռեսուրսներում նույն ռեսուրսների մատուցող Ա.Ս.-ի կողմից, որը Երևանի բնակիչ է, բարբառով խոսելու կապակցությամբ վիճաբանություն էր ծագել վերջինիս եւ նույն ռեսուրսների բարմենի՝ Ար.Ս.-ի միջեւ, որը շարունակելու նպատակով վիճաբանող կողմերը պայմանավորվել էին հանդիպել աշխատանքի ավարտից հետո:

Արդեն օգոստոսի 6-ին ժամը 00:30-ի սահմաններում աշխատանքի ավարտից հետո, Ա.Ս.-ն, իր հետ վերցնելով դանակ,

դուրս էր եկել աշխատավայրից եւ ռեսուրսներից քիչ հեռու՝ Գյումրի քաղաքի Բուլվարային փողոցում, հանդիպել Ար.Ս.-ի, վերջինիս եղբոր եւ երկու ընկերների հետ: Ռեսուրսներում ծագած վիճաբանությունը շարունակվել էր, ինչին միջամտել էին Ար.Ս.-ի եղբայրը եւ ընկերներից մեկը՝ Ա.Ս.-ն:

Վիճաբանության ընթացքում Ա.Ս.-ն, նախապես իր հետ վերցրած դանակով հարվածել է Ար.Ս.-ի ձեռքին՝ պատճառելով մարմնական վնասվածք, ինչից անմիջապես հետո, Ա.Ս.-ին կյանքից զրկելու դիտավորությամբ, նույն դանակով հարվածել էր նաեւ վերջինիս կրծքավանդակի ձախ կեսի առաջային մակերեսին եւ դեպքի վայրից դիմել փախուստի:

Դեպքից հետո Ա.Ս.-ի ընկերները նրան տեղափոխել էին հիվանդանոց, սակայն երիտասարդի կյանքը փրկել չէր հաջողվել:

Նախաքննության ընթացքում վարույթի համար էական նշանակություն ունեցող

հանգամանքներ պարզելու նպատակով նշանակվել են մի շարք փորձաքննություններ, այդ թվում՝ դիակի դատաբժշկական:

Ձեռք բերված բավարար փաստերի հիման վրա՝ Ա.Ս.-ին մեղադրանք է ներկայացվել՝ ՀՀ քրեական օրենսգրքի 171-րդ հոդվածի 1-ին մասի 1-ին կետով եւ 155-րդ հոդվածի 1-ին մասով: Նրա նկատմամբ որպես խափանման միջոց կիրառվել է կալանավորումը:

Նախաքննությունն ավարտվել է, եւ վարույթի նյութերը՝ մեղադրական եզրակացությամբ, ուղարկվել են հսկող դատախազին՝ այն հաստատելու եւ դատարան ուղարկելու համար:

Շանուցում հանցանքի համար մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

● Ըստ ոստիկանության տվյալների՝ մարտի 22-ից մարտի 25-ը ՀՀ ՆԳՆ ոստիկանության ստորաբաժանումները բացահայտել են հանցագործության 207 դեպք, որից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԹՇՆԱՄՈՒ ԶԻՆՈՒԺԻ ԿՈՒՏԱԿՈՒՄՆԵՐ

Տավուշի մարզի սահմանագոտում տեղի են ունենում աղքատացման գիտություն...

1. Տավուշի մարզի Ոսկեպար եւ Այգեպար գյուղերի սահմանամերձ տարածքներում...

2. Տավուշի մարզի սահմանագոտում, անկլավ հանդիսացող կամ այդպիսին չհանդիսացող...

Պաշտպանության նախարարությունից մարտի 21-ին գրավոր պատասխանել են...

ԱՐՑԱՆՑԻՆԵՐԻՆ ՕԳՆԵԼ ԵՆ

Տավուշի մարզայե 3այլ Ղալույմյանին հարցում ենք ուղարկել՝ հարցնելով, թե ովքեր...

ՈՍԿԱՆ ՍՈՐԳՅԱՆ Տավուշ

ՏԱԿՈՒՇ

ԻՆՉ ԿՈՒԹՈՂՆԵՐՈՎ Է ՀԱՐՈՒՄՏ ԿԻՐԱՆՑ ԳՅՈՒՂԸ

Վերջերս Նիկոլ Փաշինյանը նեցեց, որ երեսանը դասրաս է գնալ հասվածական դեկորացիայի՝ չբացառելով գործընթացը սկսել Տավուշի մարզից:



Հանդիպումից ունեցած բուռն քննարկումներից հետո տավուշեցիները հայտարարել են, որ դիմելու են ինքնապաշտպանության՝ թույլ չտալու, որ հանձնվեն իրենց հայրենի գյուղերը:

Եւ օժանդակ շինություններից: Վանքը պարսպապատ է: Սեղանատան արեւմտյան կողմում գտնվում են վանքապատկան մի քանի թաղակապ սենյակներ:

կարներով: Եկեղեցու սեղանատունը պահպանված է: Եկեղեցիներն իրենց տարածքում ունեն գերեզմանոցներ (13-րդ դար), եւ պահպանվել է նաեւ Մամիա վարդապետի տապանաքարը՝ 1698 թվականից:

ՆԱՆԻԿ ԱՐԱՍՅԱՆ

ՀԱՅԱՍՏԱՆ-ՈՐ

ԼԱՐՄԻ ԱՆՑԱԿԵՏԸ ՓԱԿ Է

Մեր երկիր արտահանումը եւ ներմուծումը գրեթե կիսով չափ հենց Ռուսաստանից է, եւ բնական է, որ այդտեղ ցանկացած դժվարություն էական հետեւանալու է թողնելու մեր ճիշտության վրա:

Օրեր առաջ Ռուսաստանի իշխանությունները հայտնեցին Վրաստանի հետ սահմանին գտնվող «Վերի Լարս» անցակետի փակման մասին:

Էլեկտրոնային հեղափոխության համակարգում սահմանի հատման 1500 եւ ավելի հայտ է լրացվել: ArmLur.am-ը կապ հաստատեց ՀՀ ԱԺ «Հայաստան» խմբակցության պատգամավոր, ՀՀԳ Հայաստանի գերագույն մարմնի անդամ, տնտեսագետ Թադեոս Ավետիսյանի հետ՝ հասկանալու համար՝ ինչն է անցակետի փակ լինելու պատճառը, եւ տնտեսապես ինչ հետեւանքներ կարող է թողնել Հայաստանի վրա:

ժամանակ կտեի սա, եղանակային պայմանները գնալով ավելի տաքանում են, եւ եղանակային պայմանների բացասական գոտուց կվերանան, բայց մյուս գործոնը, որի մասին խոսում ենք, շատ անորոշ է, եւ դա ավտոմատ դժվար է կանխատեսել, որովհետեւ դա կապված է հայ-ռուսական հարաբերությունների հետ եւ հետագա հնարավոր խնդիրների: Տնտեսագետի խոսքով՝ դա կազդի մեր տնտեսության վրա: «Դե, իհարկե, եթե մեր երկիր արտահանումը եւ ներմուծումը գրեթե կիսով չափ հենց Ռուսաստանից է, բնական է, որ այդտեղ ցանկացած դժվարություն էական հետեւանքներ է թողնելու մեր տնտեսության վրա»:

ԷՄՍԱ ՄԱՐՏԻՐՈՍՅԱՆ

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 28 պատահար. 4 մարդ զոհվել է, 40-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԶԱՎԱՐՏՎԱԾ ԴԱՏԱԿԱՆ ԳՈՐԾ

ՌԵԿՏՐԻ ԸՆՏՐՈՒԹՅՈՒՆ՝ ԽԱԽՏՈՒՄՆԵՐՈՎ

ՄԻՊ

ԸՆԴՈՒՆԵԼ Է ՊԱՏՎԻՐԱԿՈՒԹՅԱՆԸ

Հայաստանի Հանրապետության մարդու իրավունքների պաշտպան Անահիտ Մանասյանը մարտի 25-ին ընդունել է Ֆրանսիայի Ազգային ժողովի Ֆրանսիա-Հայաստան բարեկամական խմբի նախագահ Ան-Լորանս Պետելի գլխավորած պատվիրակությանը:

Հանդիպմանը մասնակցել է նաև Հայաստանի Հանրապետությունում Ֆրանսիայի արտակարգ և լիազոր դեսպան Օլիվյե Դեկոտինը:

Ինչպես տեղեկանում ենք Հայաստանի Հանրապետության ՄԻՊ-ի տարածած հաղորդագրությունից, ողջունելով հյուրերին՝ Պաշտպանը բարձր է գնահատել մարդու իրավունքների պաշտպանության ոլորտում ֆրանսիացի գործընկերների հետ համագործակցությունը՝ նկատի ունենալով նաև այն ժողովրդավարական ու իրավունքապետ արժեքները, որոնցով առաջնորդվում է Ֆրանսիան:

Անահիտ Մանասյանը ներկայացրել է Պաշտպանի գործունեության ուղղությունները՝ մասնավորապես ընդգծելով կանանց, երեխաների, հաշմանդամություն ունեցող անձանց իրավունքների պաշտպանության, հավաքների ազատության իրավունքի, քաղաքացիական և սոցիալ-տնտեսական իրավունքների, զինված ուժերում, քրեական վարույթի շրջանակում անձանց իրավունքների պաշտպանության, ատելության խոսքի, անհանդուրժողականության մթնոլորտի, խտրականության դեմ պայքարի շրջանակներում և մի շարք այլ ոլորտներում իրականացվող աշխատանքները:

Հանդիպման ընթացքում, ի թիվս այլնի, Պաշտպանն անդրադարձել է ընտանեկան, գենդերային հիմքով բռնության կանխարգելմանը և Ստամբուլյան կոնվենցիան վավերացնելու անհրաժեշտությանը, կանանց իրավունքների պաշտպանության և խթանման ուղղությամբ աշխատանքների կարելիությունը:

Անահիտ Մանասյանը ներկայացրել է նաև Լեռնային Ղարաբաղից բռնի տեղահանված անձանց իրավունքների պաշտպանությանն առնչվող հարցեր, հատուկ անդրադարձել է անձամբ իր և աշխատակազմի կողմից իրականացված փաստաթղթերի աշխատանքներին:

Հանդիպման շրջանակներում քննարկվել են Հայաստանի Հանրապետության սահմանային անվտանգությանը պայմանավորված մարդու իրավունքների պաշտպանության հիմնախնդիրներին առնչվող հարցեր:

Ան-Լորանս Պետելն իր հերթին շնորհակալություն է հայտնել ընդունելության և արդյունավետ քննարկման համար՝ կարելիությունը Պաշտպանի հաստատության գործունեությունը մարդու իրավունքների պաշտպանության պատշաճ համակարգի ամրապնդման հարցում:

ArmLur.am-ը տեղեկացավ, որ սույն քվեարկության փեյսվարի 13-ին Բյուրոյի անվան դեպարտամենտի համալսարանի հոգաբարձուների խորհուրդը հայտարարել է բաց մրցույթ՝ համալսարանի ռեկտորի դասնոցի համար: Մրցույթին մասնակցելու համար դիմել է ընդամենը մեկ անձ, որը, իհարկե, Դավիթ Գյուրջինյանն է, որն արդեն մեկ անգամ իրականացրել է ռեկտորի ժամանակավոր դասնոցապետի պարտականությունները:

«Ժողովուրդ» օրաթերթը գրում է, որ այս մրցույթի հայտարարությունը տարակուսանք է առաջացնում, քանի որ «Բարձրագույն և հետբուհական մասնագիտական կրթության մասին» Հայաստանի Հանրապետության օրենքի 15-րդ հոդվածի 4-րդ մասի համաձայն՝ պետական բարձրագույն ուսումնական հաստատության ռեկտորն ընտրվում է Հայաստանի Հանրապետության օրենսդրությամբ և բարձրագույն ուսումնական հաստատության կանոնադրությամբ սահմանված բաց մրցույթի կարգով ուսումնական հաստատության խորհրդում, գաղտնի քվեարկությամբ, 5 տարի ժամկետով: Նույն անձը չի կարող ավելի քան երկու անգամ անընդմեջ ընտրվել ռեկտորի պաշտոնում: Ռեկտորի ընտրության արդյունքները հաստատում է հիմնադիրը: Արդյունքներն անվավեր ճանաչելու դեպքում, համաձայն գործող կարգի, նշանակվում է ռեկտորի նոր ընտրություն:

Մինչդեռ, 2022 թվականի դեկտեմբերի 9-ի Բյուրոյի անվան պետական համալսարանի հոգաբարձուների խորհրդի նիստում փակ է գաղտնի քվեարկության արդյունքներով ռեկտորի պաշտոնում ձայների մեծամասնությամբ (12/8 ձայների համամասնությամբ) ընտրվել էր Կարինե Հարությունյանը: Սակայն, մրցույթում պարտված նույն Դավիթ Գյուրջինյանը դատական կարգով բողոքարկել էր մրցույթի արդյունքները՝ պահանջելով դրանք անվավեր ճանաչել: Արդյունքում



մրցույթի արդյունքները՝ Կարինե Հարությունյանի ռեկտորի պաշտոնում ընտրվելու մասին, չհաստատվեցին կառավարության կողմից: Ավելին՝ Կարինե Հարությունյանը եւս դիմել էր դատարան՝ մրցույթը կայացած համարելու և կառավարությանը դրանց արդյունքները հաստատել պարտավորեցնելու պահանջներով: Դատական գործերը դեռևս ընթանում են, և դատարանը որեէ որոշում չի կայացրել: Հարց է առաջանում ինչպե՞ս է համալսարանի հոգաբարձուների խորհուրդը հայտարարել բաց մրցույթ, երբ դատական քննությունը ավարտված չէ, և նախորդի արդյունքները անվավեր ճանաչված չեն: Սա «Բարձրագույն և հետբուհական մասնագիտական կրթության մասին» օրենքի ակնհայտ խախտում է:

ArmLur.am-ը տեղեկացավ, որ նախատեսվում է մարտի 29-ին անցկացնել Բյուրոյի անվան պետական համալսարանի ռեկտորի ընտրությունները: Այս իրավիճակի ստեղծման պատճառը եւ ջատագովը ՀՀ փոխվարչապետ Տիգրան Խաչատրյանն է, քանի որ նա հանդիսանում է Գյուրջինյանի հովանավորը և «Վ. Բյուրոյի անվան պետական համալսարան» հիմնադրամի հոգաբարձուների խորհրդի նախագահ:

Ստացվում է, որ իշխանությունները, նախկիններին օրինախախտությունների համար մեղադրելով, այսօր իրենք օրինախախտ նախագծով փորձում են դեռ չավարտված դատական գործի առկայությամբ ռեկտորի նոր ընտրություններ անել:

ArmLur.am-ը փորձեց կապվել Դավիթ Գյուրջինյանի հետ, սակայն, ինչպես միշտ, Գյուրջինյանը մեր գանգերը թողեց անպատասխան:

ԷՄՄՍ ՄԻՔԱՅԵԼՅԱՆ

ԿԳՄՍ ՀԱՄԱԿԱՐԳՄԱՐ

«ԵՎՐՈՊԱԿԱՆ ԺԱՌԱՆԳՈՒԹՅԱՆ ՕՐԵՐ»՝ ՀՀ-ՈՒՄ

Հայաստանի Հանրապետության կրթության, գիտության, մշակույթի և սպորտ նախարարության համակարգում՝ Հայաստանում ավել քան 20 սարի անցկացվում է «Եվրոպական ժառանգության օրեր» ծրագիրը:

Այս ծրագրի շրջանակում իրականացվում է նաև «Եվրոպական ժառանգության օրերի պատմություններ» դրամաշնորհային մրցույթը, որին կարող են մասնակցել «Եվրոպական ժառանգության օրեր» ծրագրին միացած մշակութային կազմակերպությունները:

ԿԳՄՍ նախարարությունից հայտնում են, որ Եվրոպայի խորհրդի կողմից 2023 թվականին հայտարարված «Եվրոպական ժառանգության պատմություններ» դրամաշնորհային ծրագրին ՀՀ կրթության, գիտության, մշակույթի և սպորտի նախարարության ենթակայության իսկո Ապրի անվան ազգային մանկական գրադարանը ներկայացրել էր «Յեթնաթի դեսպաններ» խորագիրը կրող հեղինակային նախագծով, որն արժանացել է մրցանակի:

Այժմ արդեն գրադարանը «Եվրոպական ժառանգության օրերի պատմություններ» ծրագրի շրջանակում մարզերի երեխաների համար կիրականացնի «Եվրոպական ժառանգության ճամբար», որի շրջանակում Լոռիում և Տավուշում կստեղծվեն նոր գրքերի ընթերցանության անկյուններ:

Ընթերցանության անկյունների պաշտոնական բացման արարողությունները տեղի կունենան մարտի 27-ին Սպիտակի քաղաքային գրադարանում և մարտի 29-ին՝ Աջաջուրի մշակույթի տանը:

Ծրագրի շրջանակում Սպիտակի քաղաքային գրադարանում և Աջաջուրի մշակույթի տանը կիրականացվի «Յեթնաթի դեսպաններ» ծրագիրը: Կկազմակերպվեն տարբեր երկրների մշակութային ժառանգության և դրանց պահպանության կարելիության վերաբերյալ վարպետության դասեր, եվրոպական մանկապատանեկան գրքերի ընթերցումներ և քննարկումներ: Ապրիլ-մայիս ամիսներին Սպիտակի և Աջաջուրի գրադարանների ընթերցող-երեխաները կմասնակցեն

նկարազարդման վարպետության դասընթացի և կկատարեն թեմատիկ նկարազարդումներ:

Ծրագրի ամփոփումն ու փակման արարողությունը տեղի կունենա 2024 թվականի մայիսի 15-ին իսկո Ապրի անվան ազգային մանկական գրադարանում: Փակման արարողության շրջանակում կցուցադրվեն ծրագրին մասնակից երեխաների նկարազարդումները, ԵՄ դեսպանների մասնակցությամբ տեղի կունենա հեքիաթապատումների շարք: Մասնակից երեխաները Երեւանում կայցելեն նաև մշակութային հաստատություններ, կշրջեն պատմամշակութային վայրերով:

Եվրոպայի խորհրդի կողմից հայտարարված «Եվրոպական ժառանգության պատմություններ» դրամաշնորհային ծրագրին ներկայացված 120 հայտերից մրցութային փուլը հաղթահարել է լավագույնների ցանկում են ընդգրկվել Հայաստանի, Իտալիայի, Ֆրանսիայի, Հունաստանի, Ուկրաինայի, Գերմանիայի, Լիտվայի, Անգլիայի ներկայացրած նախագծերը:


«Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄՇԱԿՈՒՅԹ

ՀՈՎԻՏԱՆԵՍ ԹՈՒՄԱՆՅԱՆ

ԵՐԳԵՐ ՊԻՏԻ ԴԱՌՆԱՅԻՆ

Ամենայն հայոց բանաստեղծը հայսնի է ոչ միայն իր բանաստեղծություններով, արձակով, այդ թվում՝ հեքիաթներով, այլ նաև իր մեծ մարդասիրությամբ և նվիրվածությամբ հայրենիքին:



Հովհաննես Թումանյան իր հասարակական գործունեությամբ հայտնի է դարձել 20-րդ դարի սկզբին: Հենց այս ժամանակ էլ հաջողությամբ դեր է կատարել հայ-թաթարական կռիվների ընթացքում և երկու անգամ ձերբակալվել: Առաջին համաշխարհային պատերազմի ընթացքում, երբ թուրքերը, առիթից օգտվելով, կազմակերպեցին Հայոց ցեղասպանությունը, Թումանյանը երկու անգամ անցել է Արևմտյան Հայաստան և հասել մինչև Կան: Արդեն էջմիածնում հսկայածավալ աշխատանք է տարել՝ օգնելով հայ գաղթականներին, հատկապես՝ որբ մանուկներին: Հենց այս ընթացքում է ծնվել Թումանյանի՝ հայրենիքին նվիրված բանաստեղծությունների մեծ մասը, որոնցից որոշները ապագայում երգերի են վերածվել:

Ու խորհում ես խորին խորհուրդ տան-
ջանքներում չարաղետ,
խորհում ես դու էն մեծ խոսքը, որ պիտ
ասես աշխարհքին
Ու պիտ դառնաս էն երկիրը, ուր ձրգ-
տում է մեր հոգին,
Հույսի՛ր հայրենիք,
Լույսի՛ր հայրենիք:

Ու պիտի գա հանուր կյանքի արշալույ-
սը վառ հագած,
Հազար-հազար լուսապայծառ հոգիներ-
ով ճառագած,
Ու երկնահաս քո բարձունքին, Արարա-
տի սուրբ լանջին
Կենսաժրպիտ իր շողերը պիտի ժրպ-
տան առաջին,
Ու պոետներ, որ չեն պղծել իրենց շուր-
թերն անեծքով,
Պիտի գովեն քո նոր կյանքը նոր երգե-
րով, նոր խոսքով,
Իմ նոր հայրենիք,
Հգոր՛ր հայրենիք...

«Հոգեհանգիստ». 1915
Ու վեր կացա ես, որ մեր հայրենի օրեն-
քովը հին
Վերջին հանգիստը կարդամ իմ ազգի
անբախտ զոհերին,
Որ շեն ու քաղաք, որ սար ու հովիտ, ծո-
վից մինչև ծով
Մարած են, մեռած, փրոզված ու ցրված
հազար հազարով...
Ու կըրակ առա հայոց հրդեհի կարմիր
բոցերից,
Էն խաղաղ ու պաղ երկնքի ծոցում վա-
ռեցի նորից
Մասիսն ու Արան, Սիփանն ու Սըրմանց,
Նեմրուդ, Թանդուրեք,

Հայոց աշխարհի մեծ կերտները վա-
ռեցի մեկ-մեկ,
Սուրբ Արագածի կանթերն էլ, ինչպես
հեռավոր ատե
Անհաս, անընկալ, միշտ վառ ու պայ-
ծառ, իմ գըլխի վերե...
Կանգնեցի խոժոռ, մենակ ու հաստատ,
Մասիսի նըման,
Կանգնեցի թըշվառ էն հոգիներին՝ ցըր-
ված հավիտյան
Մինչև Միջագետք, մինչև Ասորիք,
մինչև Ծովն հայոց,
Մինչև Հելլեսպոնոս, մինչև Պոնտոսի
ափերն այլեկոծ:
Հանգե՛ք, իմ որբեր... իզո՛ր են հուզ-
մունք, իզո՛ր ես անշահ...
Մարդակեր գազան մարդը դեռ երկար
էսպես կըմնա...

Աջիցըս Եփրատ, ձախիցըս Տիգրիս՝
ահեղ ձեներով,
Սաղմոս կարդալով՝ անցան, գընացին
խոր-խոր ձորերով,
Ամպերն էլ ելան Ձիրավի ձորից, հըսկա
բուրվառից,
Ճանապարհ ընկան ծաղկանց սարերից,
Հայկական պարից,
Բույլ-բույլ, բուրավետ, շարժվեցին դե-
պի կողմերը հեռու,
Գոհար ցողելու, ծաղկունք բուրելու,
բուրմունք խընկելու
Մինչև Միջագետք, մինչև Ասորիք,
մինչև Ծովն հայոց,
Մինչև Հելլեսպոնոս, մինչև Պոնտոսի
ափերն այլեկոծ...
Հանգե՛ք, իմ որբեր... իզո՛ր են հուզ-
մունք, իզո՛ր ես անշահ...
Մարդակեր գազան մարդը դեռ երկար
էսպես կըմնա...

ՀՈՐԻ ԲԱՂՂԱՍՄԱՐՅԱՆ

ՄԱՐԶԱԿԱՆ

ԲԱՍԿԵՏԲՈՒԻ ԱՌԱՋՆՈՒԹՅՈՒՆ

Ավարտվել է Հայաստանի բասկետբոլի կանոնավոր առաջնության (մրցաշարին մասնակցում են միայն հայ բասկետբոլիստները) 2023/2024 մրցաշրջանը: Եզրափակչում ԲԿՄԱ-ն 112-91 հաշվով առավելության է հասել «Ֆոքսիս»-ի նկատմամբ և դարձել է Հայաստանի չեմպիոն: Հանդիպման ամենաարդյունավետ բասկետբոլիստը Ալբերտ Թադևոսյանն էր (ԲԿՄԱ): Նա վաստակել է 36 միավոր, 5 անգամ տիրել է օղակից անդրադարձող գնդակին և կատարել է 8 արդյունավետ փոխանցում: Առաջնության բրոնզե մեդալներին արժանացել է «Էրեբունի»-ն, որը երրորդ տեղի համար խաղում 119-88 հաշվով հարթել է «Ուրարտու»-ին: Հայտնի են դարձել նաև առաջնության լավագույնները՝ Լավագույն խաղարկող՝ Տիգրան Մկրտումյան (ԲԿՄԱ), Լավագույն պաշտպան՝ Դանիլ Գետրոյան («Ուրարտու»), Լավագույն թեթև հարձակվող՝ Արտյոմ Թավակյան («Ֆոքսիս»), Լավագույն ծանր հարձակվող՝ Հայկազ Գրիգորյան («Ֆոքսիս»), Լավագույն կենտրոնական՝ Յուրա Մելիքյան (ԲԿՄԱ), Լավագույն մարզիչ՝ Վարդան Խաչատրյան (ԲԿՄԱ), Առաջնության ամենաարժեքավոր խաղացող (MVP) է ճանաչվել Ալբերտ Թադևոսյանը (ԲԿՄԱ):

ՄԵԿՆԵԼ ԵՆ ՉԵԽԻԱ

Հայաստանի ֆուտբոլի ազգային ընտրանին մեկնել է Չեխիա: Այս մասին գրում է Հայաստանի ֆուտբոլի ֆեդերացիան՝ նշելով, որ ազգային հավաքականը մարտի 26-ին Պրահայում ընկերական հանդիպում կանցկացնի Չեխիայի ընտրանու հետ: Թիմի հետ Չեխիա չեն մեկնել Էդգար Փիլոյանը, որը վիսցել է Հայաստանի U-21 հավաքականին, և Էդգար Գրիգորյանը՝ վիզայի հետ կապված խնդրի պատճառով: Հայաստանի U-21 հավաքականից ազգային թիմին է միացել կիսապաշտպան Տիգրան Ավանեսյանը: Հայաստանի ազգային հավաքականը Չեխիա է մեկնել հետեյալ կազմով:

- Դարպասապահներ
Օգնեն Չանջարեղիչ-«Նոա»
Արսեն Բեգլարյան-«Արարատ-Արմենիա»
Ստանիսլավ Բուչնե-«Փյունիկ»
Պաշտպաններ
Վարազդատ Հարություն-«Տիգրան Ուեստ Քոսթ» (Հինաստան)
Մևրտ Կալիսիր-«Բրոնապոլսարա» (Շվեդիա)
Գեորգի Հարությունյան-«Կրասնոդար» (Ռուսաստան)
Ստյոպա Մկրտչյան-«Օսիեկ» (խորվաթիա)
Կանո Հովհաննիսյան-«Արարատ-Արմենիա»
Սերգեյ Մուրարյան-«Նոա»
Ժիրայր Մարգարյան-«Ուրարտու»
Էրիկ Փիլոյան-«Ուրարտու»
Կիսապաշտպաններ/Հարձակվողներ
Էդուարդ Սպեցյան-«Կրասնոդար» (Ռուսաստան)
Էդգար Սեփյան-«Ֆեդերացիա» (Հունգարիա)
Վահան Բիչախյան-«Պոզն» (Լեհաստան)
Նարեկ Գրիգորյան-«Ֆարուկ» (Ռումինիա)
Հովհաննես Հարությունյան-«Փյունիկ»
Դավիթ Դավիդյան-«Փյունիկ»
Արթուր Սերոբյան-«Արարատ-Արմենիա»
Տիգրան Ավանեսյան-«Բալթիկա» (Ռուսաստան)
Արթուր Միրանյան-«Նոա»
Հրանտ-Լենո Ռանոս-«Բորուսիա» (Սլովենիա)
Նորբերտո Բրիանտ Բալեկյան-«Բուկա Խունիոր» (Արգենտինա)
Լուկաս Սելարայան-«Վ-Ֆաթե» (Սաուդյան Արաբիա):

ՊԱՏՄԱՄՇԱԿՈՒԹՅՈՒՆ ԿՈԹՈՂՆԵՐ

ՏԱՎՈՒՇԻ ԶՈՐԱ ԳՅՈՒՂԵՐԸ

ArmLur.am-ը ուսումնասիրել է Տավուշի քաղաքի 4 գյուղերում (Ոսկեդար, Բաղանիս, Ոսկեան, Կիրանց) գտնվող դասնամակարային կոթողները և այդ կոթողների ունեցած դասնական ու մշակութային արժեքները: Նշված 4 գյուղերը կորցնելով Հայաստանը, հայկական տարածքից կորցրել են մի քանի կոթողներ ու շեսարժան վայրեր:

վող Ոսկեան գյուղում գործում է Սուրբ Գայանե եկեղեցին, որը կառուցվել է 1803 թվականին: Եկեղեցու նախնական տեսքը փայտյա է եղել, այնուհետև՝ 100 տարի անց՝ 1903 թվականին, եկեղեցին քարե շինության տեսք ստացավ: Կրկին 100 տարի անց՝ 2003 թվականին, եկեղեցին վերակառուցվեց:
Ոսկեան գյուղից 4 կմ արևմուտքում է գտնվում Շեկ աղբյուրը, 3 կմ հյուսիս՝ Ոսկեանից 3 կմ արևելք՝ Խլեզձոր, և 5 կմ հյուսիս՝ Սոփ գյուղատեղիները:

Գյուղի հին գերեզմանոցի հարավային մասում կանգուն է բնիկ ծառը, որի տարիքը հայտնի չէ: Միայն ենթադրվում է որ ծառը գյուղի հասակակիցն է: Ծառի առջեի մասում, Զորավար Անդրանիկի ծննդյան 125-ամյակի կապակցությամբ, 1990 թվականին կառուցվել է Նրա կիսանդրին:
Կիսանդրին քանդակել է հարեան Ոսկեյար գյուղի բնակիչ Հրաչիկ Եգորի Ավարդյանը:
ՆԱՆԻԿ ԱՐԱՍՅԱՆ

●Մարտի 30-ին Երեւանի պատանի հանդիսատեսի թատրոնում տեղի կունենա «Սիդը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՄԱՐԻԱՍ ԴԱՆԻԵԼՅԱՆԻ

ԿԱՐԳ

ՀԱՐՑ. Ինչպե՞ս կարելի է որդեգրման ենթակա երեխաների մասին տեղեկություններ ստանալ:
Աստղիկ Կիրակոսյան (49 տարեկան)



ՊԱՏԱՍԽԱՆ. Հայտնում ենք, որ որդեգրման ենթակա երեխաների մասին տեղեկություններ ստանալու նպատակով հաշվառված, որդեգրել ցանկացող ՀՀ քաղաքացիները դիմում են իրենց բնակության վայրի մարզպետարանի աշխատակազմ կամ նախարարություն, իսկ հաշվառված, որդեգրել ցանկացող ՀՀ սահմաններից դուրս բնակվող ՀՀ քաղաքացիները եւ օտարերկրացիները՝ կենտրոնական մարմին: Հաշվառված, որդեգրել ցանկացող ՀՀ քաղաքացին, ՀՀ սահմաններից դուրս բնակվող ՀՀ քաղաքացին եւ օտարերկրացին կարող են ծանոթանալ երեխաների անձնական գործերին նախընտրելի չափանիշներով երեխա ընտրելու համար: Տրամադրված տեղեկությունների հիման վրա որդեգրման ենթակա երեխային որդեգրելուց հրաժարվելու դեպքում որդեգրել ցանկացող անձը հաշվառումից չի հանվում:

Այն դեպքերում, երբ երեխային որդեգրելու ցանկություն է հայտնել ՀՀ սահմաններից դուրս բնակվող երեխայի խորթ հայրը, խորթ մայրը, նրա ազգականները, կամ երբ երեխայի ծնողների եւ որդեգրել ցանկացող անձի միջև ՀՀ օրենսդրությամբ սահմանված կարգով առկա է գրավոր համաձայնություն, որդեգրման նպատակով երեխայի կենտրոնացված հաշվառումից հետո՝ 3 աշխատանքային օրվա ընթացքում, ՀՀ աշխատանքի եւ սոցիալական հարցերի նախարարությունը կենտրոնական մարմին է ուղարկում տվյալ երեխայի անձնական գործի պատճենահանված օրինակը: Այդ դեպքերում որդեգրման ենթակա երեխայի տվյալներն այլ անձանց չեն տրամադրվում:

Կենսաթոշակային համակարգի իրազեկման կենտրոն

«ԺՌՂՎՈՒՐԳ». Որդեգրել ցանկացող անձի կողմից տվյալ երեխայի որդեգրումից հրաժարվելու դեպքում երեխան հանվում է հաշվառումից:

ԿԱՐԳ

ՀԱՐՑ. ՀՀ մեծական բնակության ժամանող անձի անձնական ավտոմեքենան առանց մասնատրի վճարման ՀՀ ներմուծելու համար ավտոմեքենայի համար ի՞նչ դատահանցներ են սահմանվում:
Գեորգ Հունանյան (42 տարեկան)



ՊԱՏԱՍԽԱՆ. «Մաքսային կարգավորման մասին» ՀՀ օրենքի 5-րդ հոդվածի համաձայն՝ Հայաստանի Հանրապետություն մշտական բնակության ժամանող ֆիզիկական անձանց անձնական օգտագործման ավտոմեքենան պետք է նախքան Հայաստանի Հանրապետություն ներմուծվելը՝ վերջին անգամ հաշվառումից հանվելուց առաջ, առնվազն 6 ամիս հաշվառված լինի Հայաստանի Հանրապետություն մշտական բնակության ժամանող ֆիզիկական անձի անունով այն երկրում, որտեղ Հայաստանի Հանրապետություն մշտական բնակության ժամանող անձը վերջին անգամ մշտապես բնակվել է նախքան Հայաստանի Հանրապետությունում որպես մշտական բնակիչ հաշվառվելը:

ՀՀ պետական եկամուտների կոմիտե

«ԺՌՂՎՈՒՐԳ». Ապրանքների մաքսային հայտարարագրումն իրականացվում է հայտարարատուի կամ նրա լիազորած անձի կամ նրա հանձնարարությամբ եւ անունից հանդես եկող մաքսային ներկայացուցչի կողմից:

ԼՈՒՐ ԿԱՐԴ

Լուսանկարը՝ համացանցից



Շրջանառության մեջ են դրվել «Սերգեյ Փարաջանովի ծննդյան 100-ամյակ» եւ «Պարույր Սեւակի ծննդյան 100-ամյակ» ոսկե հուշադրամները:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Սեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-2 + 1 + 3 + 6	Արարատ	+ 5 + 7 + 12 + 14
Կոտայքի լեռներ	0 - 2 + 2 + 5	Արմավիր	+ 4 + 6 + 12 + 13
Կոտայքի նախալեռներ	+ 4 + 6 + 8 + 10	Վայոց ձորի լեռներ	0 - 2 + 2 + 5
Գեղարքունիք	0 - 3 + 2 + 5	Վայոց ձորի նախալեռներ	+ 5 + 7 + 10 + 13
Լոռի	-2 + 2 + 5 + 9	Սյունիքի հովիտներ	+ 2 + 5 + 9 + 12
Տավուշ	+ 3 + 6 + 7 + 10	Սյունիքի նախալեռներ	-2 + 2 + 5 + 7
Արագածոտնի լեռներ	0 - 2 + 2 + 4	ԼՂՀ	-2 + 1 + 5 + 6
Արագածոտնի նախալեռներ	+ 3 + 6 + 5 + 9	Երեւան	+ 8 + 10 + 9 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 25.3.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: